

Udruženje studenata Elektrotehničkog fakulteta u Sarajevu "STELEKS" upućuje
Izjavu za javnost

Kao organ studentskog tijela pri Elektrotehničkom fakultetu, "STELEKS" za svoj najvažniji cilj ima poboljšavanje studentskog standarda i života. Tim vođeni, Upravni odbor Udruženja čini sve što je moguće da se prava djece šehida i poginulih boraca ispoštuju i uvažavaju. Dodatno smo podstaknuli nedavnim dešavanjima da uložimo još više truda kako bi se finansijski olakšalo i pravno regulisalo pitanje školarine za navedene studente. Smatramo da je potrebno uključiti vladajuće institucije u ovu diskusiju, kako bi iz ovakvih razgovora proisteklo prihvatljivo rješenje i pravno reguliranje istog.

"STELEKS" želi naglasiti da postupci gosp. Puščul Muzafera ne odražavaju stav studenata Elektrotehničkog fakulteta i da na održanim protestima 03.06.2013. nisu učestvovali studenti Elektrotehničkog fakulteta. Ono što je sigurno je da "STELEKS" stoji iza svakog studenta Elektrotehničkog fakulteta koji svoja prava traži na primjeren način i u skladu sa važećim propisima. Ne smatramo da je potrebno da se izjašnjavamo povodom optužbi koje su upućene prema dekanu Fakulteta.

Zbog svega navedenog, "STELEKS" se ograđuje od bilo kakvih optužbi prema Fakultetu, koje nisu proizvod razgovora sa Upravom Udruženja. Jedino što možemo potvrditi je namjera "STELEKS"-a da podrži napore studenata koji traže olakšice za plaćanje školarine kako bi im se osiguralo ono za šta su pravno ispunjeni uslovi.



Predsjednik udruženja

Mirza Seferagić